

9(С) 15

695



Л. БЫЧКОВ

ПАРТИЗАНСКОЙ ДВИЖЕНИЁ
1812 ГОДСЯ
ОТЕЧЕСТВЕННОЙ ВОЙНЫ

КОМПЛЕКС 1942 КУДЫКАР

ЯСЛ
БЗГ

Л. БЫЧКОВ

ПАРТИЗАНСКОЙ ДВИЖЕНИЁ
1812 ГОДСЯ
ОТЕЧЕСТВЕННОЙ ВОЙНАЫН



КОМИПЕРМГИЗ 1942 КУДЫМКАР

Перевод *Н. А. Споровой*
Лит. редактор *З. А. Тетюева*
Полит. редактор *Ф. С. Бражкин*

Техредактор *Ф. С. Яркова*
Корректор *Р. И. Попова*

Сдано в набор 26/II-42 г. Подписано к печати 23/III-42 г. Формат
бумаги 60×92 1/16. Печатных листов 2. Уч.-изд. листов 1,6. В 1 печ. листе 32000
тип. зи. ЛБ14019. Заказ № 133. Тираж 2000.

г. Кудымкар. Типография Молотовского Областного Управления
издательств и полиграфии

Миян народ имейтö аслас Родиналён национальной независимость понда пессьёмын славной унавекся история. Миян странаись народдэзлö великой русской народ юралом утын не отпирись ковсыылс самоотверженной и героической пессыны иностранной захватчиккезкöt, кöдна мёдис поработитны миянлise Родинасö.

Миян страналён героической военной прошлойись ёткён славной страницаэз коласись лоё 1812 годся Отечественной войны—русской народлён Наполеон I-лон армияэз вторженнёкöt пессьём.

1812 годё Наполеон нашествиекöt пессьёмын русской народ ётлаын миян странаись мёдик народдэзкöt самоотверженной и героической дорийис Россиялise национальной независимостысö. 1812 годё Россияны Наполеонсö разгромитöмыс вайётис ас сьёрас Европыны наполеоновской владычестволись крах.

*

1812 год кежё Наполеон I-ло удайтчис подчинитны аслыс почти быдös Западной Европасö, Англиятöг.

Медбы пессыны французской капитализм господство понда да Англиялise конкуренция уничтожитöм понда Наполеон тшöктis русской правительствою 1807 годё подпишиитны сьёкыт Тильзитской мир да пырны сид шусян континентальной блокада системаю. Россия должен воли быдсöн откажитчыны Англиякöt кытшöм бы эз вöв торговой сношеннёэзись.

Россияись нянь, лён, вöр петкötöмсö чинтöмыс (континентальной блокадасянь), кöднö значительной степеньын потребляйтис Англия, сьёкыта отразитчис Россия экономической положеннё вылын Внешней торговая

упадоксянъ лоис застой сельской хозяйствоын, эшо умольжык лоис страналён и сыйтог ни събкыт финансовой положеннёыс.

1810 годё декабрь месяцын русской правительство пондыліс мездісъны континентальной блокада системәись: волі лосьётом виль таможенной тариф, кёда лэбтіс пошлинаэз Россияю винаэз, шёлковой да бархатной материаэз да роскоши мёдік предметтэз вайём вылө, кёднö унажыксо вайлісö Францияись. Сэсся, русской порттэз волісö осьтёмөсь колониальной (отланы сэтён английской) товаррез вайём понда. Виль таможенной тарифыс сетіс возможносттез содтыны русской экспорт.

Эна мероприятиеэзён Наполеон волі Ѻдьён недоволен. Сія решитіс войнаён принудитны Россиясö участвуйты Англия блокадын. Но Наполеонлён планнэс мунісö эшо ылжык: сія мёдіс Россиясö керны Франция колонияён, пörtны сійö французской товарресö вузалём понда паськыт рынокö.

Наполеон мёдіс поработитны Россиясö да янсётны сылісь территорииясö. Сія надейтчис провозгласитны асьсö польской корольён да подвассальной Польша дынö (сідз шусяна Варшавской герцогство дынö) ётлаётны Литва да Белоруссия, польской магнат Понятовскийс сувтётны правительён Смоленскö да сы гёгрись русской муэзö, а казацкой областтезісь да Украинаись керны сылö, Наполеонлö, подвластной особой королевство.

Наполеон мечтайтіс, Россиясö покоритом бёрын, Кавказёт пырны Индияю, медбы этён керны удар Англия могуществолё. Энгельс веськыта висьталё, что „...1812 годё Наполеон аслас военной карта вылын Москвасö отметитіс кыдз оперативной база Индия вылө походён мунікё“¹.

Западной Европын победаэзянь Наполеонлён юрыс пондіс бергавны. 1811 годё Наполеон бантіс ётіклö аслас генераллэз коласісъ: „Куим год борті ме лоа мирлон гостподин; кольччо ётнас Россия, но ме нырышта сійö“.

¹ Маркс и Энгельс, Соч., т. XI, ч. I, стр. 363.

Россия выл ё аслас уськотчом понда Наполеон видз-
чисис только благоприятнйык международной обста-
новка, сідз кыдз эта кад ё сія должен волі значитель-
ной военнй вын (250 тысяча мымда солдаттэёс) видз-
ны Испаниян, кытён наполеоновскй гнёткот герои-
ческой пессис ѡ восставшой испанской народной массаэз.

Россияю военнй поход организуйтік, Наполеон
используйтіс Европын ассис господствос: сыл ё под-
властной государствоэс тшоктіс примитны участие
Россия выл ё нашествиен. 1812 год ё февраль месяцын
сія тшоктіс Пруссияс заключитны договор, мед ётла-
ын действуйтны Россиял ё паныт. Прусской король
Фридрих-Вильгельм III сетіс обязательство ыстыны Напо-
леонысл ё аслас войскоэзіс корпус. 1812 год ё март
месяцын Наполеон подпишиліс договор Австриякот, кё-
да сідзжо сетіс обязательство Россиякот пессьюм
понда сетны 30 тысяча солдатс.

Россияю ыстом унася уна шпионнэз-пыр Наполеон
наблюдайтіс русской армия состояннё съорын, русской
обществолён настроеннэз съорын, изучайтіс местасо,
kytён пондасо чулавны военнй действиеэз. Сысянь
зависимой Варшавской герцогствос кыдз плацдармос
войнаыс кежо лосьбтчом понда используйтёмён, про-
дажной польской паннэз выл ё пыксюмён, Россиякот
пограничной областтезын Наполеоныс керліс продо-
вольственнй магазиннэз, артиллерииской складдэз,
формируйтліс военнй транспорттэз.

Россиякот война понда Наполеон чукортіс сія кад
съорті колоссальнй армия—600 тысяча мымда мортос
1372 орудиеён да 182 тысяча волён. Аслас националь-
ной состав съорті эта армияыс волі ѿдьён разнород-
ной: сын француззэзя воліс пруссаккез, австриец-
цез, голландеццез, поляккез да уна мёдік народдэз. Этю
волі „двенадесяти кыла“ армия.
*

Ойнас июнь 24 лун паныт ё 1812 год ё Наполеонлон
армия, кёдаын воліс 420 тысяча морт мымда, война
объявиттог видзчисьтог вуджис Неман ю да пырис
Россияю. Паныт Россиял Наполеонлон завоевательной,
грабительской войнаыс пондётчис.

Наполеоновской армия вторженнё бўрын лэбис Россияс национальной независимость понда вына песьём, кўдана крестьянство мычталіс истинной, самоотверженной патриотизм: коть и волі съокыт крепостнической гнёт, но крестьяноволён пасъкыт массаэз лэбтисё дорыйны Россияс захватнической, грабительской наполеоновской нашествиенъ, и эта народной движеннёс спаситіс миян родиналісь национальной независимостью.

Польско-литовской помещиккез отсалісё кё Наполеонлё, то литовско-белорусской крестьяна пасъктісё партизанской действиэз паныт наполеоновской армиялё. „Великой Литовской княжествоын“ помещиччой правительствалён попыткаыс керны Наполеон армияю рекрутской набор терпитіс полной крах. Белорусской крестьяна откажитчис мунны захватчики армияю.

Смоленск усьом бўрын русской народной массаэз коласын сё ёдъёнжык и ёдъёнжык лэбтисё захватчиккез дынё ненависть. Странаын ыждіс общенациональной подъём, пасъкаліс Россиялён национальной независимость понда народной война.

Генерал А. П. Ермолов аслас запискаэзын свидетельствуйтё сы йыліс, что Смоленской губернияись населениёс готов наполеоновской армиякот пессьём кежё.

„Отирыс,—гижё Ермолов,—готовось волісё отсанвы, эз жалейтё не собственностьнысё, не ассиныс оланысё“.

Захватнической наполеоновской армия сибётчико уна крестьяна чапкылісё ассиныс деревняэзнысё, мунлісё вёррезё. Пондётчис наполеоновской армияись фуражиррэзкот, мародёррэзкот да шпионнэзкот крестьяналён пессьём.

Русской крестьяна нем эзё кольлё наполеоновской армия понда, но сы коста жё русской армиясё снабжайтісё быдёс коланаён. Пасъкыт народной массаэзліс отсоцё адззико, русской армияись солдаттэз сотчисё желаннёён сетны отпор захватнической наполеоновской армияыслё.

„Быд ладорсянь,—1812 годё июль 30 лунё гижис русской офицер Глинка Сутоки посадісь (Смоленск

увтын),—вайёны пёжалём нянь, вашётёны подаёс да сетёны быдёс, мый коло миян доброй солдаттэзлө, кёдна сотчёны желаннёён кутчисьлыны врагыскот Смоленск стенаэз дынын.

Мукёдьыс ны коласіс этё желаннёсö висъталёны медпростой, но, конечно, съёлёмсян петан выраженнёён: мийё адззам ни асланым айезліс дзор тошшез-нисё,—байтёны нія: сетам я нійё поруганнё вылё?— Кад локтіс тышкасын!“

Русской крестьяна асланыс, народной инициатива събрті пондісö пасъкотны русской армиялö отсалём понда пасъкыт партизанской движеннё. Многочисленной факттэз свидетельствуютёны сы йыліс, что паныт наполеоновской армиялö вына партизанской пессьюмсö пасъкотомын инициаторнас лоис совсем не царской правительство, а методз именно асыныс крестьянской массаэс, кёдна асланыс пельпоннэз вылын пешлісö интервенттэзліс насилиеэсö да притесненнёэсö.

Этё положеннёсö бытшома подтверждайтö Глинка-лон письмо, кёд бія гижлёма 1812 годё июль 31 лунё Сутоки посадіс.

„Солдаттэз,—гижис Глинка,—пондасö тышкасыны ужаснёя. Поселяна готовбось керны сійё жö. Пыр байтёны поголовной набор йыліс, всеобщой восстаний йыліс... Дух саймё, душаэз готовбось. Народ корё воля, мед не ёштыны вольностьсö.—Но народной войны миян понда ѡдьён виль. Кажитчö, эшö полёны пёрчавны киэзнысö. Онёдз абу отик прокламация, кёда бы дозволяйтіс чукортчывлыны, вооружайтчыны и действуютны кытён, кыдз и кинлö позьё. Тшёктасö кё—и мийё, поселяна, готовбось отсавны воиннэслö.“

Насильниккезлён армия сразу пондіс чувствуйтны, что русской народной массаэз сы дынё относитчёны враждебнёя.

1812 годё июль 29 лунё Суражын наполеоновской армиялон офицер Ложье гижома:

„Мийё часто ёштам отирёс, кёдна кольчёны ыб-без вылын, кысянъ мийё муна... нія лобны жертваён лёгасьом крестьяналён нето добычай казаккезлён, кёдна бергалёны миян фланггез гёгёр“.

Крестьянской партизанской движеннёыс лэбтісліс народнй массаэз қоласісь.

Крестьянской населеннё инициативало ответ туйё русской армиялён командованнёыс решитіс корны Смоленской да мёдік губернияэзіс населеннёс паськотны партизанской движеннё наполеоновской армиякот песьомын.

1812 годё август 2 лунё 1-й русской армияён командующой Барклай-де-Толли письмоын, кёдё сія гижома смоленской гражданской губернатор Ашало, тшょктіс корны „...быдёс оліссесö нія уезддэзіс, кёдна дынёдз эз лок неприятельыс, вооружитчыны миян коварной враггезкот пессьом понда“.

Аслас письмоын Барклай-де-Толли гижис: „...отечество нимён корё неприятель дынё быдёс матіс мес-таэзіс обывателлесö вооружённой киён уськотчыны неприятельской войскоэзлён ёткаса часттез вылё, кытён сэтшоммесö адззыласö. Сэсся особой отзывён ме кори россиянасö нія местаэзіс, кёдна займитомбс француззэзён, мед ётік неприятельской ратник эз дзебсись миян месть дыніс верало да отечестволо вайётом обидаэз понда, и кёр нылён армияыс лоас поразитома миян войскоэзён, мед сэк пышшись неприятеллесö быдлаын панталіс обывательской киэзіс погибель да смерть. Отечество дорийом понда восставшой гражданыс пондасö отсавны, вынсьотны ассиныс воннэзнысö да соотечественникесö, кёдна бой дырни ны понда сетёны оланнысö, и вероломной француззэзлён уськотчомыс россиянаён лоас отразитома, сід жё кызд древньой кадё нылён предоккез восторжествуйтісö самой Мамай вылын, лөнъсьётісö завоевателлезліс гордостьюс и вероломствоыс понда накажитісö да истребитісö коварной соседдэсö“.

Крестьянской партизанской движеннёыс бура паськаліс Смоленской губернияись почти быдёс уезддэзын.

Наполеоновской армиялён вюртембергской конно-егерской полкись старшой врач фон Роос гижё аслас запискаэзын, что Смоленск дынё муніко сы полкись командир ыстіс ётік унтер-офицерös, кёда тёдіс польской кыв, квать солдаткот „адззыны мый-нибудь сёя-

нісь“. Көр унтер-офицерыс бертöма, Роос кыввезд съёрті, сідз висътасьбма наполеоновской армия дынö Смоленской губернияись населеннёлён отношеннё йыліс.

„Быдённыс мунёны миянлö паныт; быдённыс готовьс либо дорйисьны, либо пышшыны; быдлаын менö панталісö умоля, кörитöмён да видомён. Некин нем эз мёд сетны; меным ковсывліс босытны аслым, насильно и рискуйтöмён, менö лэдзлісö грозитчёмён да проклятиеэзён. Мужиккез вооружитöмёсъ пикаэзён, уна ны коласісъ вöввез вылын; инъкаэз готовьс пышшом кежö и видісö миянöс сідз жö, кыдз мужиккез. Верзьомаэз ветлöны местасянь местаёдз, юортöны сыйлісъ, мый керсö; нылён эмёсъ сигнал сетём понда пöввез...“

Наполеоновской армияыс, кёда одзлань муніс русской крестьяна ладорсянь бойкот условиесын, испытывайтіс продовольственнöй снабженнёын ыджыт трудносттез. Наполеоновской армияись лейтенант Брандт свидетельствуйтö, что Смоленск дынсянь Гжатск дынö ни мунікö Наполеон армияись солдаттэз питайтчисö почти только отік вöв яйён, шоммез вылын сійö жаритöмён, „сийён что ассиныс поданысö крестьянаыс нүйтлісö сэтшом ылö, что некыдз эз позь кутны сійö“.

Отлаын асланыс айезкöt да жöниккезкöt русской крестьянкаэз героической участвуйтісö партизанской движеннёын паныт насилинической наполеоновской армиялö; пессьомас участвуйтісö и крестьянской подростоккез.

„Нельки женскойез тышкасьбыны...—байтіс Глинка.— Талуння лунö, Гжатской уездісъ, князь Голицын деревняэзісъ крестьяна, кёр нійö вашётісö отік засекаэзісъ, вуджлісö соседньой вöррезö сія селеннёёт, кытён вöлі главной квартирыс (русской армиялён.—Л. Б.). Сэтён ранитöммезлö керлісö перевязкаэз. Отік 14 год ся зоночка, кёдалісъ коксö шуч писькотöма пуля, муніс подён и эз норась. Перевязкасö сія терпитіс ыджыт мужествоён. Кык томыник крестьянской нывкаёс ранитöмась киэзаныс. Отыс уськотчис отсавны аслас дедлö; мёдыс увья бедьён вийис французöс, кёда ранитöма нывкаыслісъ мамсö. Уналісъ пуляэз шуч мунісö

шапкаэзнысö, полаэзнысö да нинköммэзнысö.—Вот почтенной поселяна-воиннэз!"

Гжатск да Сычевка коласын крестьянкаэз да челядь дзебсисълісö вörрэзö, а крестьяна вооружайтчisö наполеоновской солдаттэзлісь мырдьом оружиеён и активной сопротивляйтчisö наполеоновской армияыслö, сылон торья отряддэз вылö уськötчёмён.

*

Смоленск дынись русской войскоэз отступитом бöрын Наполеон мунис одзлань страна пыткас: вöлi вежортана, что сiя лöсъётчö босытны Москва. Этö вежортомён, знаменитой полководец М. И. Кутузов, кöдö назначитисö русской армияё главнокöмандующойён, решитiс Москва утын сетны Наполеонлö генеральной сраженнё. Эта сраженнё понда местанас вöлi бöриёма посад Бородино, кытчö русской армияэс локтисö сентябрь 3—5 луннэзö.

Вир кисьтана Бородинской сраженнё дырни сентябрь 7 лунё русской армияыс поистине героической сувтiс враглö паныт. Батареяэз вуджлiсö киись киö, русской пехота вöвлытöма чорыта терпитiс быдöс уничтожитан артиллерийской бисö. Наполеон эз вермы разгромитны русской армиясö. Русской солдаттэз дорийсö ассиныс родной мунысö, ассиныс родинанысö, ассиныс честьнысö, бöраныс нылён вöлi родной Москва.

Великой русской поэт М. Ю. Лермонтов русской солдаттэзлісь вылын патриотической героизмсö мыччалис аслас „Бородино“ стихотворениын:

Тöдмалiс врагыс сэк не етша,
Мый рукопашной бойыс сэтшöм,
Удалой миян бой!..
Пыр мусыс кокувтын вештасис,
Вöв, отир кучад сорласис,
Быд залпыс залпкötöt öтлаасис
И эз сетлы спокой...
Вот пемдiс. Ми готовось петны
Виль бой мёд лунё отён сетны
И дорийны ас горт.

Кöть и вöлiсö ёддьён ыджыт потеряэз, но сентябрь 7 лунё рытнас русской армияыс эшö вöлi бой вылын.

Первойён ассис войскоэсö нүйтіс Наполеон. Кутузов аслас донесеннёын справедливёя гијис, что сражениёы „...кончитчис сійён, что неприятельыс аслас пре-восходнöй вынöн некытöн öтік оськёв ылана эз босьт мусö“.

Бородинской битвалён значеннёыс вölі öддьён ыджыт: Наполеон, кôда Западнöй Европаын судзётіс сымда блестящöй победаэз, эз вермы разгромитны рус-ской армиясö. Бородино дынын сражениёыс разруши-тиc Наполеон армия непобедимость йыліс представ-леннёсö; эта сражениёыс былисьсö вölі русской ар-миялён победаён и лоис наполеоновской нашествиесö разгромитöмын поворотной пунктоñ.

Сыбöрын Бородинской сражениёсö оценивайтікö, Наполеон аслас воспоминаниннёэзын гијис: „Быдöс ме-нам сражениёэзіс медстрашнöйыс—этö сія, кôдö ме-сетi Москва увтын. Эта сражениёын француззээ мыч-чалісö асынысö достойнöйезöн судзётны победа, а рус-скойез лоисö достойнöйезöн лоны непобедимöйезöн“.

Бородино дынын сражениё бöрын военнöй совет вы-лын, кôда вölі Фили деревняын сентябрь 13 лунö, Кутузов примитіс решенне бойтöг сетны Москвасö не-приятельлö сы понда, медбы, русской армиясö сохра-нитöмён, одзланын быдсöн и окончательнöя разгромитны врагсö.

Кыдз только французской армияыс пырис Москваö, городаын пондётчис ыджыт пожар. Эта пожар дырни уна сотчисö нія продовольственнöй запассэс, кôдна эшö кольчылісö Москваас. Быдöс эта умöльсьётіс на-полеоновской армияліс и сытöг ни съокыт положеннёсö.

Москвасö займитöм бöрын наполеоновской армия-ыс керис сыын вöвлытöм грабёж.

Вайётам бесхитростнöй рассказ öтік мортліс, кôда адззыліс наполеоновской войскоэzlіс грабёжсö да наси-лиеэсö, кôр нія босытісö Москвасö. Московской почтам-тіс чиновник Андрей Карфаческий 1812 г. ноябрь 6 лунся аслас письмоын гијёма: „...француззээ пы-равлісö керкуэзö и, ыджыт неистовствоэз керём бö-рын, босытлісö хозяиннэсліс не только деньга, золото да серебро, но нельки сапоггез, увтіс паськом, ряса-

эз, женской пассез да салоппез, кёднö сыбóрын пас्तавлісö пост вылын сулалíкö да верзьёмён ветлíкö. Нешоча вёвлí, что улицаэз кузя муніссесö чöвтлісö йёрнöсöдз, а уналісь чöвтлісö сапоггез, капоттэз, сюртуккез; ежели кин-нибудь сувтліс нылö паныт и сопротивляйтис, то сэтшöмсö бура вартлывлісö, и часто кувтöдз... Веськыта кö висъставны, городаи оліссескöt нылöн обращеннёыс волi самой бесчеловечной; и эзö бöрийсö: чиновник я нето крестьянин, быдённысö, кин нылö сюрліс, уджётлісö: тшöктылісö новыйны ме-шöккез грабитöм имуществои, винаён бочкаэз, карч-йörррезын гарыйны картовки, весётны сiё, мастыны капуста и улицаэзiс новыйны кулём морттэзöс да вёв-vezöс“.

Наполеоновской армия варварской истребляйтис культурной ценностиз, кёдна волiсö Москваас. Керку-эзын жугдалiсö зеркалоэз, уничтожайтiсö живописьлiс прекрасной произведеннёэз, картинной полотноэзiс торья фигураэз да юррез вундалёмён; Петровско-Разумовскойын аллеяэзын сулалан мраморной статуяэзлiс жугдалiсö ныррез, киэз, юррез. Иван Великий колокольня куполын француззэс писькötisö öшын русской армия сьбóрын наблюдайтöм понда.

Наполеоновской армияыс ыджыт опустошеннёэз керис подмосковной уезддэзын...

*

Москвасö кольём бöрын, Кутузов иньдёттис Рязанской туй кузя, сыбóрын кежис западланьö и октябрь 2 лунö сувтчис Тарутин посадын. Эта замечательной тактической маневр дырни русской армияыс вермис пёднавны хлебородной юг дынö француззэзлiс туйсö да сувтётны угроза увтö нылiсь тылсö.

Эта дырни крестьянской партизанской движеннёыс вёвлытöма паськалiс. Паськötisö ассиныс действиееэсö и русской армиялён торья отряддэз, кёдна наполеоновской войскоэзкöt пессикö применятiсö партизанской тактика. Инициаторнас да организаторнас русской армияын первой, партизанской отрядлон, кёда действуйтiс ыджыт контактын крестьяна-партизаннэз-

кот, волі известнőй поэт подполковник Денис Васильевич Давыдов. Сыбóрын русской армиялон команда-ваннёис организуйтіс эшо кынымокъ армейской партизанской отряддэз: артиллериийской капитан Фигнерлон отряддэз, капитан Сеславинлон, полковник Кудашевлон и мёдиккез.

Но партизанской отряддэсö организуйтлiso не только русской армияись офицеррез. Примерно отк кадо Д. В. Давыдов отрядкот паныт наполеоновской армиякот пессьомсö пондётіс крестьянской партизанской отряд, кёдон руководитіс рядовой солдат Ермолай Васильевич Четвертаков.

Крепостной крестьянин Нefедовка деревняись, кёда принадлежитіс помещик Завадовскийлö, Черниговской губернияись Новгород-Северской уездын, Четвертаков служитіс солдатён Киевской драгунской полкын и участвуйтіс 1805, 1806 да 1807 годдэзя военной походдэзын да сраженнёэзын.

1812 годö август 19 лунö Царево-Займище деревнядынын бой дырни К. В. Четвертаковлісь вийисö вёвсö.

Наполеоновской кавалерия Четвертаковсö босытіс пленё, но куим лун борті, Гжатск босыткё, сія вермис пышшыны пленсис.

Наполеоновской пленись пышшом бёрын Четвертаков мунис Басманы деревняю, кытён корис крестьянаись выступитны паныт наполеоновской армиялö. Крестьянаись вооружайтчисö оружиеён, кёдо чёмтісö вийом наполеоновской солдаттэз вылісь. Сылон отрядас сыбóрын волисö 300 морт гёгёр. Четвертаков сувтötіс крестьянаись пикеттэзён. Пикеттэзö пыран крестьяна-партизаннэзлон обязанностьс волі дорыны деревняэсö наполеоновской войскоэзлон поснит шайкаэз дынись да юортлыны отрядыс штаб-квартираö неприятельлон ыджытжык отряддэз мыччисьом йылісь.

Скугарева деревняын волі сраженнё крестьяна-партизаннэз да артиллериюн вооружитём наполеоновской армияись батальон коласын. Скугарева деревняын крестьянаись чукортчомась 4 тысяча мымда. Неприятельской отрядлісь крестьянаись мырдьомась 10 повозка фуражён, 30 юр гырись подаёс да 20 баляös.

Антоновка посадын крестьяна-партизаннээс босътісө 19 наполеоновской кирасирб.

Четвертаковыс дугдывтöг велётіс военнöй делоö крестьяна-партизаннэсö.

Крисово деревня дынын партизаннээс вашотісö 400 мымда наполеоновской солдаттэсö, кёдна коласіс 70 босътісö пленö.

Гжатской пристань дынын Четвертаков отрядіс крестьяна-партизаннээс мырдисö наполеоновской войскоэзліс кык пушка да ётік ящик ружейной патроннэзön.

Смоленской губернияын партизанской движеннёыс сё ѡдьёнжык пасъкаліс. 1812 годö август 29 лунö Сычевской уездіс крестьяна, пикаэзön вооружитöмөс, бытшкалісö 130 наполеоновской солдатöс, а 60 кёрталісö да нүйтісö Сычевка городö.

1812 годö август 31 лунö Смоленской губернияись Бельской уездіс местной власттез асланыс рапортын юортісö русской армиялён главнокомандующой Кутузовлö, что „миян отир усердиеён да неустрешимостьён враггесö быдлаын истребляйтöны да босътöны пленö“.

Крестьянской партизанской движеннёыс грозной волнаён лэйттисис Московской губернияись почти быдöс уезддэзас.

Богородской уездын Вожновской да Амеревской волосттезіс крестьянаыс отважной уськотчывлісö наполеоновской армияись торяя отряддэз вылö.

Богородской округаись крестьянин Герасим Курин организуйтіс 5000 подонаэзö да 500 вёлаэзö крестьяна-партизаннэсö. 1812 годö сентябрь 11 лунö Курин лён отряд босътіс пленö уна француззэзöс, 3 пушка да няньён обоз.

Вожновской крестьяна враггесö истребитісö 50 мымда, а амеревскойес—300 мымда.

Юго-восточной направленнёын, Бронницкой округаись, Шубин, Вешняков, Константинов, Воскресенской, Починок посаддэзіс да Сельвачева, Жирошкина, Рогачева, Чанусова, Заселья, Галашина да Жданской деревняэзіс крестьянаыс, вёлаэз и подонаэз, оружиеён, 2 тысяча мымда ёксыывлісö Подольск дынö туй вылын.

Бронницкой крестьяна-партизаннэз, воррэзын сайласъёмён, действйтісö ётлаын казаккезкöt, паныт наполеоновской отряддээлö вöрын засадаэз керлёмён. Бронница дынсянь Подольск дынö наполеоновской войскоэз муникö "... воиннэз-земледелеццеz уськотчывлісö видзчисьтöг, чожа и мужественнёя вашётісö да вийлісö".

Отпрыссы бронницкой крестьяна казаккез юралом увтын уськотчисö наполеоновской войскоэзлён отряд вылö, кёдаын вöлісö 700 морт, сэтён жö вийисö 30 наполеоновской солдатöс, а мукöдсö тшöктісö сетчины пленö, эта дырни босытісö отрядлісь быдöс повозкаэсö.

Эта столкновеннё дырни ыджыт храбрость да мужество мыччалісö Константиново посадісь староста Семён Тихонов, Сельвачёва деревняись староста Егор Вäсильев, Починок посадісь староста Яков Петров.

Михайловской слобода и Яганов посадісь да Дурниха, Чулкова, Кулакова да Какузева деревняэзіс крестьянаис быд лунö 2 тысяча морт мымда öксыывлісö Москву вылын Боровской перевоз дынö да эз лэдзö наполеоновской войскоэслö вуджны ва мёдбрас. Эна крестьянаис унажыксö вöлісö пасытасьёмбс казаккез моз и "... не отпир ни отважнёя пантавлісö... неприятельсö да вашётлісö сїйö".

Сентябрь 22 лунö Московской губернияись Бронницкой уездіс крестьяна-партизаннэз казялісö, что наполеоновской войскоэзлён ѡдьён ыджыт отряд кыссыö Мячков посад дынö.

Крестьянской партизанской отряддэз, юсö бродён вуджом бöрын, казаккез отсötён стремительнёя уськотчисö наполеоновской войскоэз отряд вылö да уничтожитісö сїйö. Эта сраженнёын 11 наполеоновской солдатöс вийисö местааныс, 46 солдатöс босытісö пленö ётлаын оружиеён, вöввезён да повозкаэзён; наполеоновской отрядіс мукöд солдаттэс рознитчисö и спаситісö асынысö пышшомён.

Эта сраженнёын особоя мыччалісö асынысö крестьяна Дурниха деревняись Михаил Андреев, Василий Кириллов да Иван Иванов, крестьяна Михайловской сло-

бода посадісь Сидор Тимофеев, Яков Кондратьев да Владимир Афанасьев, староста Яганов посадісь Василий Леонтьев да сія жо посадісь крестьянин Фёдор Дмитриев.

Эна крестьяныс ю вылёт первоёйсь уськотчисё наполеоновской войскоэзлон отряд выло и асланыс порывён кыскисё пессьомас быдёс мукод крестьянасё.

1812 годё октябрь 5 лунё капитан Ф. И. Колобков аслас письмоын, кёдё сія Коломнасянь ыстома А. Озерецковскийлё, гижис:

„...сы войскоэзліс (Наполеонліс.—Л. Б.) торресё миян мужиккес вийлёны да пленё босьтёны; сылё оддьён дзескыт лоё, перво сія иньдотчис Коломенской туй кузя Боровской перевоз дынё, но миянисес пыркотисё сійё; эта бёрын сія иньдотчис Калужской туй кузя, эта перевоз вылын ассис войскосё мымдако колёмён, но миян казаккес, Шубинской волости музиккезкот байтчомён, рез-паз нійё керисё, пленё босьтисё 600 морт мымда, а мукоддэсё быдёс вийисё, воинской обозсё мырдисё...“

Крестьяна разоблачайтисё наполеоновской агенттэзёс да шпионнэзёс. Бронницкой уездіс Волова деревняись крестьянин Никита Макаров локтіс russkoy армиялон главной квартираё да разоблачитіс ассис хозяинсё—помещик Андрей Ключаревёс, кёда вёлі наполеоновской агентён.

Быд лунё то ётік, то мёдік местаын крестьянской да армейской партизанской отряддэз вайотлісё наполеоновской армия кузя ётік бёрсянъ мёдік чувствительной ударрез. Партизанской отряддэзлон пырся уськотчоммес видзисё полёмын наполеоновской войскоэсё, дезорганизуйтісё сообщеннё туйесё да оротісё Наполеон армиялісь продовольственной снабженнёсё.

Матын Воскресенск дынын суалан посаддэзіс да деревняэзіс крестьяныс ётлаасисё городсё обороняйтём понда, мед не лэдзыны сы сайё наполеоновской войскоэсё.

„Ассиныс предприятиеэзныс,—лыдьётам мийё крестьяналісь действиесё описаннёын,—нія организуйтлісё не слепой отважность вылын, но благоразумие да

осторожность вылын. Нія керисö лунся и ойся стража, сувтötтöсö карауллэз вöррезöт и быдöс сэтшöм места-эзёт, кысянь скрытной позьё наблюдайтын неприятель съёрын; сэтшöм наблюденнё понда нія часто кайлöсö пу йыввездö, кöть может и некöр эзö кывлö, что Суворов сiйё жö керлiс. Вöрокайнэзын, кырассэзын, быдлаын эна осторожной воиннэс-земледелецес сувтötлöсö несунасян стража. Сэсся установитöсö, что колоколён звонитöм дырни немедленно чукортчыны нылö верзьёмён и подён, кытён кыласö колоколлiс первой вачкöмсö. Сэтшöм повестка вылö уна öксыывлiсö эна осторожной воиннэс-земледелецес: öтiккез вöлiсö вооружитöмөсь ружьёэзён, мöдиккез—майöггезён, черрезён, вилаэзён да косаэзён. Быд оружиесы вынаён лоö сэтчин, кытён кисö вешталö вераён да вернос-тьён сотчан съёлём. А сэсся мымда побужденнёэз ловзьётлöсö воиннэсö-поселянасö! Ны син одзын сотчисö нылён родной керкуэз... Вöррезын ылын ны дынсянь сайласисö враггэз лютость шогъя нылён иннез, нылён челядь, нылён старикиккез, кöдна эзö вермö лэбтыны не оружие, не киэз“.

Крестьяна-партизаннэз отражайтöсö наполеоновской войскоэзлiс отряддэз, кöдна мунлiсö Звенигород дынсянь да Руза ладорсянь, часто вашётлöсö наполеоновской войскоэсö Воскресенск дынсянь. Вöвлiсö быдса сраженнёэз, кöднаын крестьянаыс выступайтöсö либо отнаныс, либо öтлаын казаккезкöt.

Калужской губернияын крестьянской партизанской движеннёыс медöддьён ыждiс Боровской уездын.

Сентябрь 25 лунё армейской партизанской отряддён командир поручик фон Визин аслас рапортын армия съёртi дежурной генераллö генерал-лейтенантлö Коновницынлö юörtтiс, что матi гöгöр олiссезсянь сiя получайтö сведеннёэз наполеоновской войскоэзлён расположеннё йылiс. Этасся фон Визин специальнойю юörtтлiс, что „отирыс быдлаын вооружитöмөсь и неприятель мыччисьом дырни чукортчоны öтлалö и 23-ёт лунё Каменской посадын вашёттöсö неприятельской фуражиррэзбс, вийисö öтiк офицерös да кватьё рядовой солдаттэзös“.

Боровскиң қык нывка вийисө нельё наполеоновской солдаттэзбөс, мөдік крестьянкаәз плёнө босътём-месө вайётісө Калугаö.

Сё өддьонжык ыждіс крестьянской партизанской движеннёыс и Смоленской губернияын.

Елисаветградской полкись гусарös, Фёдор Потаповös, кёдалён нимкодыыс волі Самусь, кёр сійө өтік бой дырни ранитісө, крестьяна дзебомась гортаныс. Ранитомсяняс веськалом бёрын Фёдор Потапов (Самусь) организуйтіс ыджыт крестьянской партизанской отряд, кёдаын волісө 2 тысяча морт мымда; эта отрядлон волісө нельки пушкаәз, кёднö сія мырдис наполеоновской войскоэзліс.

Крестьянской партизанской движеннёсө активной организаторрез коласын мийө адззам нимmez крестьянкаәзліс, кёдна героической пессисө завоевателлез армиякöt.

Старостиха Василиса Кожина судзотіс всероссийской известность паныт наполеоновской войскоэзлө аслас действиеэзбн. Сія нүйтліс Сычевкаö пленной наполеоновской солдаттэзбөс, эта понда ёктывліс отряд крестьяна-подростоккезіс да крестьянкаәзіс, кёднö вооружитліс косаәзбн, вилаәзбн да зоррэзбн.

Сычевской уездіс Соколова деревняись крестьянка Прасковья вийис наполеоновской армияись полковникös, кёда мөдіс насильтны сійө, пасъталіс вывтас сыліс мундирсө, пуксис сы воб вылө да өтлаасис партизанской движеннё дынö.

Кутузов сетавліс личной указаннёэз партизанской движеннёсө пасъкотом йыліс, партизанской пессьомын тактика йыліс, сы йыліс, медбы армейской партизанской отряддэз коласын да крестьянской отряддэз коласын волі бур контакт.

Сідз, наставлениёын, кёдö Кутузов сетіс армейской партизанской отрядіс начальник Дороховлө, бантисис: „Партизаннэзлён летучой отряд маршшесө должен керны скрытнойезб, неыджыт туйез кузя, кёр локтас кытшом-нибудь селеннё дынö, некинös сэтіс не лэдзыны, медбы эз вермё юбртны сы йыліс. Луннас сайласыны воррэзын нето лажмыт местаэзын. Өтік кылён

висъставны, партизан должен лоны решительной, чож и мыздлытом".

Кутузов сетліс армейской отряддэзлө прямой указаннёэз сы йылісь, что крестьянасö колö обязательно вооружитны, что крестьянасö-партизаннэсö используйты пленной наполеоновской солдаттэзбс конвоирутöм понда.

Наставленнёэзын, кöднö сентябрь 30 лунö Кутузов сетліс армейской партизанской отряддэзис начальниккезлö—капитан Сеславинлö да майор Лесовскийлö, байтсис: „Неприятельліс мырдьом оружиеон вооружитны крестьянабс, мыйсянь тіян отрядыс вермас бура вынсявны, пленнойесö вайётны кыдз позьё чожжыка, регулярной войскоэзліс прикрытие нылö сетёмён да вилаэзён нето зоррезён вооружитöм мужиккезбс отсöt понда босьтöмён. Мужиккесö ободряйтны подвиггезён, кöднö керисö нылён ёрттэзныс мёдік местаэзын, унажыкссö Боровской уездын".

Крестьяна-партизаннэз вовлісö русской армия часттезын командующойез дынö и корисö наполеоновской войскоэзкот пессьом понда оружие да патроннэз.

Сідз, например, сентябрь 27 лунö генерал Милорадович гижис русской армияын дежурной генераллö П. П. Коновницынлö:

„Боровской уездіс, Каменск слободаис казённой крестьяна локтисö ме дынö и корисö менчим неприятель дыніс дорийсьом понда патроннэзён ружьёэз. Эна крестьяна дынö колö относитчыны особенно внимательнёя, ибо нія присяга увтын ётлаасисö асынисö дорийом понда, сы понда, мед пуктыны наказаннё ежели ны коласын адззисяс трус. Эна почтенной крестьянаыс ештисö ни истребитны уна француззэзбс. Ме иньда ваше превосходительство дынö кыкёс эна крестьяна коласісъ".

Великой русской полководец Кутузов известиеэзын, кöднö сія лэдзліс русской армиялö сведеннёэз понда, сетліс медвылын оценка крестьянской партизанской отряддэз действиенэзлө. Сідз, например, 1812 годö сентябрь 30 лунö известиеэзын, кöднö Кутузовыс лэдзёма русской армиялон главной квартирын, Леташевка посадын, байтсис:

„Асьныс крестьяныс фронт дынсянь матіс дерев-
няэзіс вайётёны неприятельлö Ѻдьён ыджыт вред.
Россияныс... висъставны непозяна ревностьён оні ста-
райтчоны истребляйтны врагесö, кёдна нарушайтёны
отечестволіс спокойствиесö. Крестьяныс, родинанысö
пымы любитёмсяянь, керёны асколасаныс ополченнёэз.
Овлö, что кынымкö соседньой селеннё вылын места-
эзын да колокольняэз вылын сувтётёны часовёйезöс,
кёдна, неприятельсö казялём бёрын, вартёны набат.
Эта знак дырни крестьяныс чукортчоны ѳтлаö, от-
чаяннёэн уськётчоны неприятель вылö и оз мунö битва
местасис сэтчöдз, кытчöдз оз судзётö полнöй победа.
Нія Ѻдьён уна неприятеллесö вийёны, а пленö бось-
тёммесö вайётёны армияö. Быд лунö нія локтёны глав-
ной квартираö и убедительно корёны огнестрельной
оружие да патроннэз врагез шогъя защищайтчом пон-
да. Эна почтенной крестьяналён, отечествоись истин-
ной зоннэзлён просъбаэс, мымда позъё, удовлетворяйт-
сёны, и ніё снабжайтёны ружьёэзён, пистолеттэзён
да порохён. Уна селеннёэзын нія присяга увтын ѳтла-
сьбыны асьнысö общой защищеннё понда и пуктёны
жестокой наказаннё ежели ны коласын адззисяс трус
нето сэтшöм, кёда умбльё керас аслас ёртлö“.

Наполеонлён армияыс, кёда зайдитіс Москва, лоис
критической положеннёын. Разрушитём да сотём го-
родын олікё, завоевателлес быд ладорсянь вёлісö
кытшёвтёмсöс вооружитём русской народён, кёда герои-
ческой пессис аслас национальной независимость понда.

Продовольственной затрудненнёэз, кёднö наполео-
новской армияыс испытывайтіс пыр сы завоевательной
поход дырни—Неман кузя переходсянь и Москваö пы-
рёмбдз, самой Москваас не только эз чинё, а эшö со-
дісö: Наполеонлён армияыс, кёдö подмосковной кре-
стяна активной бойкотирайтісö, пыр тышгъяліс, сы-
лён почти совсем эзö вёлö главной сельскохозяйствен-
ной продукттэс. Подмосковной крестьяна ладорсянь
бойкотыс вёлі сэтшöм, что наполеоновской армиялён
полккес, кёдна вёлісö не Москвуын, одва судзётлісö
мукёд продукттэсö, и нылö ковсыыліс продукттэсла
ыстывлыны Москваö, но этаись нем эз петлы: Москва-

ын наполеоновской войскоэс сідзжо испытывайтіс острой продовольственной кризис.

Наполеон армиялло, кёда Москваас оліко ѿштіс 30 тысяча морт мымда, ковсис мунны городсис. Октябрь 18 лунё пондётчис наполеоновской армияись первой отряддэзлён отступленне. Октябрь 19 лунё Москвасис муніс Наполеон, городас колис Мортве начальство увтын только қынымкё отряд, кёдна, қынымкё кремлёвской башня да зданнёээз взорвите борын, петісіс Москвасис октябрь 23 лунё.

Русской армия дынё аслас воззваннёын, кёдо лэдзис, кёр францууззэс пондісіс пышшины, Кутузов висьталіс, что Наполеонлло ковсис мунны Москвасис, „... сідзкыдз одзланын нем мёдіксё ээ адззы, кыдз ужасной народной войналіс одзлань муномсё, кёда дженыт кадо вермас уничтожитны сылісъ быдёс армиясё; быд жительын сія адззис воинёс, а сылон быдёс обольщеннёээз вылё общой непреклонность,—быдёс сословиеэзлісъ решимость моросён сувтны любезней отчество понда...“

Кёр Наполеонлён армияыс отступитіс Москвасис, русской армия, кёдало активной отсалісі крестьянской партизанской отряддэз, рез-паз керис врагсё.

Наполеонлён попытка мунны южной туйез дынё, кытён волісі продовольственной запассэз, ээ удайтчи. Кутузов ас кадо оротіс этю маневрсё.

Кёр наполеоновской армияись итальянской войскоэзлён куим батальон сибётчисё город Малоярославец дынё, городын оліссес ештісі жугдыны поссё и эз лэдзб неприятельсё пырны городас. Саперрез керисօ временней пос, но Малоярославецис населеннёыс жудісі мельничной плотинасё да лэдзисё васё, кёда бора уничтожитіс этю временней поссё.

Сэтчо локтём русской войскоэз да наполеоновской армия коласын Малоярославецыс дынын волі сраженнё. Эта сраженнё дырни Наполеонлён войскоэс волісі чапкомёсь Смоленской туй вылё, кёда кузя нія перволоктісіс Москвасыс дынё.

Русской армияыс, кёда муніс невна южнойжыка, параллельной сія туйлё, кёда вылёт отступайтіс Напо-

леон, дугдывтöг уськötчывліс француззэс вылö да мыздтöг преследуйтіс нийö.

Москвасис отступайтікö Наполеон сетіс приказаниё биён истребляйтны быдöс деревняэсö и городдэсö, кöдна пондасö пантасьны сы армиялö туй вылас.

Вот кыдз Лабом гижö наполеоновской армия зверствоэз йылісь, кöднö сія керис отступайтікас 1812 г. октаябрь 26 лунö Уваровской посадын: „Öнi мийö адззылім, кыдз сотчоны быдöс посаддэс, кытöн кынымкö лун одзтi мийö шоччисим. Нылён эшö шоныт пöимыс, кöдö тöв новийöтis öтмöдöрö, вевттис солдаттэзліс да крестьяналісь трупесö, быдлаын валяйтчисö орötöм горишезён челядь, куйлісö труппез нывкаэзлён, кöднö вийисö сэтöн жö, кытöн насилюйтісö“.

Смоленской туй вылö петöм бöрын наполеоновской армиялён маркитанттэз чапкывлісö кырассэзö ранитöммесö, кöдна вöлісö Москваас грабитöм имуществоён грузитöм повозкаэз вылын. Русской пленнойесö зверскоя вийлісö. Приближённойез коласісь öткi вис্থталіс Наполеонлён наполеоновской армиялён эна зверствоэз йылісь:

„Этö кытшöмкö бесчеловечной жестокость! Дак вот сія—пресловутой цивилизацияс, кöдö мийö нöбötім Россияас! Кытшöм впечатлениё лоас эта варварствосянь неприятельлён (мöднёж шуны русскойезлён.—Л. Б.)?“

Особено жестокоя наполеоновской армияс расправляйтчис пленö босытöм крестьянакöt—партизаннэзкöt да ополченецзекöt, кöдна нүйтисö героической пессьём паныт наполеоновской нашествиелö.

„Вереяö пырикö,—свидетельствуйтö Гриуа,—пехоталён батальоннэз сувтчисö веськытланьö туй дынсяняс, и ны одзись ме казялi дивизияён командующöйöс генерал Фридриксöс, кöда сетіс солдаттэзлö приказ нүйтны бокö пленö босытöм куим крестьянинöс да вийны нийö: ме дрёгнитi, кör кылi этö гора голосон сётöм приказсö, кöдö сæk жö тыртисö. Крестьянаыс думайтисö, что нийö нүйтöны пост дынö, кытöн пондасö видзны: кыдз öнi адзза энö руд кафтаннэза да греческой крестöн баситöм суконной картуззэза тоша морттэсö, кыдз нiя нем не тöдöмсянь спокойнöя мунöны

паныт смертыслю. Туйыс нылён абу кузь. Нёльдас осъкөв ылынаын генералыс дынсянь, кёда синнэзнес следитіс ны съёрын, нія пондісөн горётлыны. Нылён бёрсияныс сötісө штыккезён сія минутаö, кёр нія пыри-со учотик идзасовой хижинаö, куимнанныс усисо сэтчин, и нылён ойзомыс лёньсис өзтөм хижинаыс биын".

*

Москваись наполеоновской армия отступитом бёрын русской армияс, кёдон руководитіс великой полководец М. И. Кутузов, быдёс русской народлон мотучой поддержка вылө пыксыёмён, крестьянской партизанской отряддэз отсёт дырни блестящой тыртіс за-дачасо—быдсөн разгромитны Наполеонлісь отступайтіс армиясö да окончательно вашётны сіё Россиясис.

Малоярославец дынсянь Наполеонлон армияс тэрмасьёмён отступайтіс. Октябрь 30 лунё Наполеоныс волі Гжатскин, ноябрь 1 лунё—Вязьмаын, ноябрь 5 лунё—Дорогобужын, а ноябрь 8 лунё сія пырис Смоленскö.

Русской армия дугдывтöг преследуйтіс отступайтіс наполеоновской армиясö.

Отлаын регулярной русской армиялён основной часттез действиееэзкöt наполеоновской армиясö разгромитомын сы отступайтік да Россиясис вашотікö ыджыт роль орсісө крестьянской да армейской партизанской отряддэзлён действиеэз.

Мотучой народной движеннё, кёда лэбтисис паныт наполеоновской армиялё, кёда посягнитіс Россияыс национальной независимость вылө, воодушевляйтіс русской армиясö наполеоновской войскоэсö Россиясис быдсөн вашотом понда пессьём вылө.

Известиеэзын, кёднö лэдзлісö русской армиялён главной квартираын, сообщайтіс:

„Сы коста кызд миян армияс одзлань поражайтö врагсö, быдкодь губернияэзын оліссес сотчоны желаннёён быдёс сетны отечестволо. Согражданалён сэтшом благородной чувствоэс одушевляйтöны воиннэсö виль мужествоён, и нія только сэк босътасö мирлісъ сладосттесö, кёр истребитасö коварной неприятельсö, кёда аслас уськотчомён сэрпöсътіс миян айезлісъ мусо.

Отечество любитомлён священной биыс шонтö быдöс состояннёэсö“.

Крестьяна-партизаннээсетлісö русской армиялö све-деннёэз неприятельыс мунём йылісь, дугдывтöг уськötчывлісö наполеоновской войскоэзлён отряддээз вылö и эз сетö нылö возможность судзётны продовольствие да фураж.

1812 годö ноябрь 2 лунö наполеоновской армиялён итальянской гвардия штабись лейтенант Ложье сидз гижис аслас армия отступайтöмлісь условиеэсö:

„Шульгаланяс русской армия; веськытланяс уна сотня казаккез, быдлаын местной деревняэзісь вооружитöм крестьяна. Конечно, регулярной войскоэзлён отряддээз кокнита бы справитчисö ныкöt быдöнныскöt, но перыта мунёмыс, опасность торйётны отирсö и сытöг ни бура чинём корпуссэзісь, невозможность сувтыны, полём лоны кытшöвтöммезён русскойезён, тишкötтö армиясö довольствуйтыны сийён, мый сія адззö туй вылас. Но сылö дёнзьö только яй вöввезлён, кёдна кулісö тшыгсянь, мыздёмсянь да истощеннёсянь“.

Партизаннээ босытлісö пленö не только солдаттэзöс, но и наполеоновской армиялісь пушкаэз, обоззэз. Сё ѡдьёнжык активизируйтисö армейской партизанской отряддэзлён действиенеэс.

Отряд Д. В. Давыдовлён только сентябрь 2 лунсянь октябрь 23 лунöдз босытіс пленö да распискаэз сьёрті вайётіс русской армиялён главной квартираö наполеоновской армияись 3500 рядовой солдатös и 43 штаб- да обер-офицерös.

Давыдов свидетельствуйтö, что наполеоновской солдаттэзлён быдса толпаэз „...ыджыт туй вылын только неыджыт отряддээз мыччисьом дырни тэрмасьёмён чапкылісö оружиенысö“.

Армейской отряддэзлён партизанской действиенас ѡтлаын русской полккезкöt активнöя участвуйтісö башкирской полккез, кёдна мыччалісö наполеоновской армиякöt пессьёмын отличной отвага.

Наполеоновской армия исключительно остроя чувствуйтіс армейской да крестьянской партизанской отряддэзлісь ударресö. Русской армияись казаккезлён

отряддэз да крестьяна-партизаннээлён отряддэз дугдывтог уськётчывлісі отступайтісі наполеоновской армия вылө, видзисі сійö пырся поломын и тшёктісі наполеоновской командованнёсі примитны предосторожностісі чрезвычайнй мераэз, сійон что нылө пыр грбзитіс опасность армейской да крестьянской партизанской отряддэз уськётчомсянь. Наполеоновской армия штабись начальниклон маршал Бертьелён быдёс перепискаыс тыртёма предписаннёэзён партизанской отряддэз уськётчомлө паныт чрезвычайнй мераэз примитом йыліс.

1812 годö октябрь 27 лунö 2 часö ойнас маршал Бертье гижис город Боровскис:

„Мед тіян вölісі колоннаэз фланкеррэзлён, кöдна бы охраняйтісі казаккез да крестьяна шогъя тіян обоззэліс колоннаэз, артиллерия да мук...“

Русской губернияэзісі крестьянской населенїе лютой ненавистьон относитчис интервенттэз-насильникез армия дынö. Инженер Газо, наполеоновской армия главной квартираись обозлён начальник, гижж аслас запискаэзын русской крестьяна-партизаннэз йыліс: „Войнаён разоритом русской крестьянаыс вölісі сэтшом жö страшнойбось, кыдз мороз да тшыгъялём. Нія... съектötісі армиялісі быд оськёвсö, беспокоитісі сійö не етшажык казаккезся. Веськыта кö висъставны, быд крестьяниныс лоис партизанён“.

Эта кадö ни, эшö тöлыс локтытöдз, Наполеонлён армияыс бура тшыгъяліс; наполеоновской солдаттэз сейисі кулём вöввезёс, поннэзёс, ракаэзёс; нельки пондётчис морттэзёс сёйом. Вязьмасянь Смоленск дынö мунікö русской генерал Крейц вöрын адззыліс страшной картина: наполеоновской солдаттэз сейисі яй асланыс жö кулём одноземецзеліс...

Разрушитом, сотом Смоленскын Наполеонлён армияыс сідзжö эз адззы некытшом продовольственной запассэз; провизиялён нейджыт остатоккез, кöдна хранитчіс складдэзын, вölісі сэк жö сёйомбось.

Эта кадö пондётчис суровой русской тöв, вачкисö ыджыт мороззэз. Наполеоновской солдаттэз кынмисö и, медбы кöть кыдз-нибудь шонтісъны, сотісі карета-

эз, телегаэз, разрушитом керкуэзіс жугдом мебель. Ноябрь 17 лунё Наполеонлон армия муніс Смоленскис; тшыгъялымыс локтіс вўвлитом размеррезодз. 1812 годся событиеэзлон өтік современникез коласіс, А. Н. Оленин, гијис:

„Очевидной свидетеллез: г. Штейн, Муравьеввез, Феньшау да мёдіккез, утверждайтоны, что француззэз сёйисё ассиныс кулём ёрттэзнысё. Нія вистасисё, что часто пантавлісё француззэсё кытшом-нибудь сарайын, кытчо нія сайётчисё мороз шогъя, нія пукавлісё биок одзын асланыс кулём ёрттэз телоэз вылын, кёдналісё вундалісё буржык торресё, медбы этён пöдтыны тшыг-со, сыбёрын, часісъ часо вынтöмсялёмён, асьныс сэтчо жо усылісё кулёмось, медбы лоны сёйоммезён...“

Смоленской туйыс волі омён вевтъёма кулём наполеоновской солдаттэзён да вёввезён; быдлаын ваяйтчисё чапкём повозкаэз, зарядной ящиккез.

Ноябрь 14—18 луннэзё волісё кынымкё сраженнё город Красной дынын. Красной да Орша дынын сраженнёэзын наполеоновской армияыс мёдіс волі сопротивляйтчыны, но терпитіс окончательной пораженнё, ўштіс 26 тысяча морт мымда пленнёйезён, уна вийоммезён да ранитоммезён и 228 орудие.

Ноябрь 26—28 луннэзё наполеоновской армиялён остатоккез тэрмасьёмён вуджисё Березина юсё кык умблик пос вылёт. Вуджикас француззэсё атакуйтісё русской армиялён часттез. Наполеон армиялён остатоккез паникаын пышчисё; войскоэз да обоззэз съокытасянь Березина ю вылын поссес жугавлісё, и французской солдаттэс ѡдьён унаён войлісё кёдзыт ваас.

Березина ю вылёт вуджомыс вайётіс конецодз Наполеоныс „непобедимой“ армияліс гибельсё. Ачыс Наполеоныс, простой офицер паськомо пасътасьёмён, чапкис ассис армиясё и Вильноёт, Ковноёт да Варшаваёт додыын пышчис Сморгоньис Парижё.

1812 годю декабрь 12—14 луннэзё разгромитом наполеоновской армиялён жалкой остатоккез вуджисё Неман ю вылёт.

Завоевательной, насилинической, грабительской наполеоновской армияыс волі разгромитом, и сылон

жалкőй остатоккес вўлісö чапкёмөсь Россиясис. 1812 годö декабрь шёрын Россия территория вылын эз кольчы өтік наполеоновской солдат.

Кытшомкő 6 месяцён наполеоновской армия ёштіс Россияас 552 тысяча вийоммезён да пленнёйезён, 167 тысяча вўввезёс да унажык 1200 орудиеся.

Кутузов стратегия успехлён основаннёнас вўлі мощной национальной подъём Россияись народной—и медодз быдёс крестьянской массаэзлён, кёдна мороснаныс сувтісö дорыйны ассиныс родинанысö наполеоновской нашествиесянь. Калуга архивын неважын адззём Кутузовлён письмо, кёдö сія гижлёма 1812 годся война дырни калужаналö, лишной раз мычталö, кытшом верной великой русской полководец оценивайтіс интервенттэзкöt пессьёмын народной подъёмліс значениею.

Калугаись оліссез дынö обращайтчомён, Кутузов гижис:

„Съёломсянь благодарита Тіянöс сія признательность понда, кытшомён тыртёма Тіян письмоныт. Ме счастлив, что предводительствуйта русскойезён. Но кытшом полководец эз поражайт врагсö сідз жö, кыдз ме эта мужественной народкöt“.

Россияись народной массаэзлён национальной чувствоэз ыджыт подъём йылісь, кёда вўлі наполеоновской нашествиелö паныт ны пессьём дырни, свидетельствуйтöны быдёс современникез да 1812 годся событияэзын участникез.

„1812 годся война,—гижліс аслас запискаэзын дворянской революционер декабрист И. Д. Якушкин,—саймётіс русской народсö олан дынö и составляйтö важной период сы политической существованиёын. Правителстволён быдёс распоряженнёэс да усилиеэс вўлісö бы недостаточнёйбось, медбы вашётны Россияас пыром галлэзёс да ныкöt двунадесять языцыёс, ежели бы народыс одзамоз кольччис оцепененнёын... Менам онёдз эшö тёдвылын ме дынёт муніс солдатлон кыввес: „Но, слава енлö, быдёс Россияыс походö муніс!“ Нельки солдаттэз коласын эзö ни вўлö бессмысленной орудиеэс; быдыс чувствуйтіс, что сіё корисё содействуйты великой делоян“.

Мөдік декабрист, П. Г. Каховский, аслас письмын гијис: „1812 годын коліс вöвлытöм усилиеэз; народ радион быдöс нöбötic жертао отечествосö спаситöм понда“.

Россияыс национальной независимость понда пессьомын участвуйтисö не только русской крестьяна, но и Российской империялён национальной меньшинствоэз, коть и нийö нырыштис царизмлён съокыт гнёт.

„Не только Россиялён стародавньой зоннэз,—гијис С. Глинка,—но и народдэз, кёдна не откодьбось волисö кывнаныс, нраввезнаныс, верананыс и оланнаныс, кочуйтись народдэз,—и нія, отлаын природной россиянакёт, готовбось волисö кувны русской мусыс понда. Мордва, тептеррез, мещеряккез, черемиссэз ревностной и радион мунисö служба вылö; оренбургской башкиреццез асыныс юавлисö правительствоысліс, озö я коло нылён полккезныс“.

Санкт-петербургской газетын „Северной почты“ 1812 г. декабрь 4 лунö волі печатайтöма Якутскись 1812 г. сентябрь 8 лунся то кытшом сообщеннё.

„Якуттэз,—байтис сообшеннёас,—кёр тёдисö сыйыліс, что француззэз насильно пырисö Россияю, лоисö отечестволён сэтшом жо усердной да истинной зоннэзён, кызд и быдöс Российской империяын мукод согражданыс“.

Наполеоновской армиякёт пессьомын башкирской полккез орсисö бдьён ыджыт роль.

Наполеоновской нашествиекöt успешной пессьом понда исключительно важной значеннё видзис белорусской да литовской крестьяналён пессьом, кёдна отлаын братской русской крестьянакёт выступитисö паныт угнетателлезлö—польской паннэзлö да наполеоновской армиялö.

Русской крестьянство, испанской партизаннэз моз, героической пессис захватнической наполеоновской армиякёт.

Паныт наполеоновской армиялö русской крестьяна-партизаннэзлён героической пессьом йыліс известиеэз мунисö Западной Европаю. Сидз, например, 1812 г. октябрь 23 лунö „Северной почтын“, „Иностранной известиеэз“ отделын волі вуджётёмён печатайтöма Лон-

доніс 1812 г. октябрь 2 лунся (виль стиль съорті) то-
кытшом сообщеннё: „Россияын воюйтö быдöс нация-
ыс... Этасянь Россияыс, конечно, сетас сылö (Наполе-
онлö.—Л. Б.) чувствуйтны, кыдз Португалия да Гищ-
пания, мый лöб воюйтны мужественной да единодуш-
ной народкöt“.

Наполеоновской армияыс, кôда русской уджалісь-
отирлö вайис чуженациональной гнёт, крепостнической
отношеннёэзлісь вынсялом, грабёж да разореннё, эз-
вермы получитны Россияас некытшом резерввез, з мёд-
нёж, сія панталіс широчайшой народной массаэз ла-
дорсянь мощной единодушной сопротивленнё. 1812 год-
ся Отечественной война дырни ôтлаын мощной парти-
занской движеннёкöt ыджыт роль орсісö кыдз регу-
лярной русской армиялён резерввез да отсаліссез, сідз-
жö многочисленной народной ополченнёэз, кôда вöлі-
сö формируйтöмось русской правительство манифест
съорті. Московской ополченеццез составитисö русской
армиялісь прямой резерв, эшö Бородинской сраженнё-
бдз русской армия ряддэзö ôтлаасьбмён. Тульской да
рязанской ополченнё, кôда суаліс Ока ю берег кузя,
следитис, медбы наполеоновской войскоэс эзö вуджö-
юсö. Владимирской ополченнё вöлі используйтöма Мо-
сквын караульной служба нүйтöм понда сэк, кôр Напо-
леонсö вашётисö сэтчинис; мукöд ополченнёэз, осо-
бенно смоленской, бдьён активнöя участвуйтисö
крестьянской партизанской движеннёын; сэсся, петер-
бургской ополченнё мыччаліс героизмлісь да храбрость-
лісь образеццез мукöд сраженнёэзын, особенно Полоцк-
увтын.

Ленин, кôр байтö условиеэз йыліс, кôда опреде-
ляйтöны победа кытшом-нибудь армиялісь, веськыта
висьталö, что „война вылын побеждайтö сія, кинлён
унажыкось резерввез, унажык вынлён источниккез,
унажык народной толщаын выдержка“¹. Вежортана, что
могучой движеннёыс Россияис паськыт народной мас-
саэзлён, кôда 1812 годö лэбтисисö защищайтны аслан-
ыс страналісь национальной независимостьюсö, кôда

¹ Ленин, Соч., т. XXIV, стр. 493.

адззис ассис отраженнёсö партизанской движеннёын, ополченнёэз создайтёмын, паныт наполеоновской армиялё активной блокадын, кёда воодушевляйтіс да поддерживайтіс регулярной русской армиясö, видзис решаютой значеннё наполеоновской нашествиесö разгромитёмын.

1812 годся войнаын Наполеонсö поразитёмын основной да решаютой причинаыс вёлі независимость понда общенациональной движеннё, кёда пасъкаліс Россияс, движеннё, кёдалён главной выннас вёлі русской крестьянство.

1812 годё Россияись народной массаэс, кёть сэк и существуетіс царизмлён да крепостничестволён гнёт, героической дорийсö асланыс родиналіс национальной независимостьюсö.

Россияын 1812 годё Наполеонсö разгромитёмыс вайтіс ас събрас наполеоновской господстволіс крах.

Великой русской просветитель да демократ Н. Г. Чернышевский сідз оценивайтіс 1812 годся Отечественной войналіс исторической значеннёсö:

„Не шумной толккез французской журналлэзлён погубитісö Наполеонсö—сы дырни некытшом толккез эзд и вёлё. Сій погубитіс 1812 годся поход“.

1812 годё Россияын Наполеонсö разгромитёмыс ловзьотіс наполеоновской гнётён нырыштём Западной Европаись народдэсö.

„Москваись отступайтікё великой наполеоновской армиясö уничтожитёмыс,—шуб Ф. Энгельс,—лоис сигналён всеобщой восстаниё дынё Западын французской владычестволё паныт“¹.

Виль вынён паныт ненавистной наполеоновской гнётлё выступитісö Испанияись героической народной массаэс. Германияись, Италияись, Голландияись да мёдік странаэзіс народной массаэз сідзжё пондісö пессыны Наполеонліс игосё чапком понда.

Наполеонлён „великой“ империяыс, кёда вёлі основанной народдэсö поработитём вылын, кисис.

Сэтшомёсъ вёлісö 1812 годё Россияын Наполеонсö разгромитёмлён последствиеэс.

¹ Маркс и Энгельс, Соч., т. XVI, ч. II, стр. 20.

1917 год ё октябрь месяцын ленинско-сталинскай партия руководство увтын Россиянись рабочойез да крестьяна чапкисё ненавистной эксплоататоррэліс—помещиккезліс да капиталисттэліс властьсö.

Великой Октябрьской социалистической революции бёрын рабочой класслон да крестьянстволон лоис асланыс настоящой, подлинной социалистической отечество, кёдё оброняйтёмыс лоё священной обязанностён быд советской гражданинлон.

„Мийё—ёні обронеццеz, 1917 г. ноябрь 7 лунсянь (октябрь 25 лунсянь), мийё—эта лунсянь отечество защищайтём понда,—гижис Ленин 1918 годё.—...Мийё—Россияны Советской социалистической республика защищайтём понда“¹.

Великой Октябрьской социалистической революции победа бёрын русской рабочойез да крестьяна, одзазаца царской Россиинись мёдік народдэзкот содружествын, создайтісö мирын первой советской государство. 1918—1920 годдэзся отечественной гражданской войнын Советской Россиинись уджаліс отирыс мыччалісö вёвлитом героизм, асланыс социалистической родиналис независимостью германской да мёдік интервенттэз и русской белогвардееццеz дыніс дориймён.

Советской власть годдэзö Ленинлон—Сталинлон великой партия руководство увтын Россияныс пёртчис медпередовой, могучой социалистической державаö.

СССР-ын социализм победасянь чужис несокрушимой моральной да политической единство великой советской народлон, кёда пыр готов героической защищайтны аслас социалистической родиналис священой рубежжесö. Советской народ создайтіс непобедимой, доблестной Красной Армия, кёда вевттис асьсо славаён социализмлон великой страна безопасность понда бойезын.

Великой советской народ и сылон Красной Армия паныт кровавой германской фашизмлон разбойничой уськотчом вылò пондисö нуётны Великой отечественной война, ассиныс родинанысö, ассиныс честьнысö, ассиныс свободанысö защищайтёмён.

¹ Ленин, Соч., т. XXII, стр. 291.

Германскай фашизм и сылён кровожаднай главаръ Гитлер установітіс беспощаднай террорлісъ, стыдтём грабёжлісь да гнётлісь зверской режим Западной Европа странаэзын. Француззэзёс, чеххезёс, поляккезёс, серббезёс, Норвегия, Бельгия, Дания, Голландия, Греция да мукод народдэсё поработитом бёрын, сія керис разбойниччой уськотчом Советской Союз вылё.

Фашистскай пон Гитлер вунётіс историялісъ урок-кесё; сія мёдё быдёс народдэсё портны германской фашизмлён колониальнай раббезё.

Некёр эталё не лоны!

1812 годын кё русской народыс, кёр Россияыс вёлі отсталой страны, адззис асас вын быдсён разгромитны „непобедимой“ Наполеонлісъ нашествиесё, то кытшомё жё ударсё керас врагло оні миян свободной могучой советской народ!

Советской народлён Великой отечественнай война угнетённой народдэзлё вайётё национальной освобождenné, кровавой фашизмлісь разгром.

„Не первуись,—висьталіс ёрт В. М. Молотов,— миян народлў усьё имейтны делосё уськотчисъ асьсо вунётом врагкот. Вёлі кад, кёр Россияё Наполеонлён поход вылў миян народыс ответитіс отечественнай войнаён и Наполеоныс терпитіс пораженнё, локтіс аслас крах дынё. Эта жё лоас и асьсо вунётом Гитлеркот, кёда объявітіс паныт миян страналў виль поход. Красной Армия и быдёс миян народ бёра пондасё нүйтны родина понда, честь понда, свобода понда победоносной отечественнай война... Миян дело правой. Враг лоас разгромитом. Победа лоас миян сайын“.

СССР-ись народдэзлён великой вождь ёрт И. В. Сталинлён призыв вылў ответсё видзомён отлавын Красной Армиякот миянлісъ Родинасё защищайтому понда лэбтісъёны советской патриоттэзлён миллионной массаэз.

Мощной партизанской движеннё паськотомён, могучой народной ополченнё создайтому великой Советской Союзісъ народдэз отсаласё миян доблестной Красной Армиялў разгромитны да уничтожитны ненавистной фашистской варварресё.

Цена 40 коп.

Л. Бычков
ПАРТИЗАНСКОЕ ДВИЖЕНИЕ
В ОТЕЧЕСТВЕННОЙ ВОЙНЕ
1812 ГОДА

*На коми-пермяцком
языке*